



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1546. usque ad annum 1549

**Fleury, Claude**

**August. Vind. [u.a.], 1770**

**VD18 90118529**

§. 22. Hæretici Meldis rogi supplicio castigati.

---

[urn:nbn:de:hbz:466:1-66608](https://nbn-resolving.org/urn:nbn:de:hbz:466:1-66608)

mancipaturi, ejusque jussa præstolatu-  
 ri. Hi ad ejusmodi submissionis necessi-  
 tatem potissimum ideo devenerant, quod  
 Carolus Cæsarem a Moguntinis & Wor-  
 matiensibus fuisse sollicitatum scirent,  
 ut nundinas, quarum proventu ipsi ad  
 tantas opes, & potentiam excreverant,  
 ab eis alio transferret. Itaque Burius  
 Comes Francofordiam ingressus, Cæ-  
 saris nomine cives ad præstandum fidei  
 Sacramentum adegit, urbemque tribus  
 peditum millibus, ac quadringentis  
 equitibus munivit. Postea eis Au-  
 ctor exstitit, ut Heilbrunnam, ubi  
 Cæsar agebat, Deputatos suos ablega-  
 rent, quos Carolus perbenigne excepit,  
 indicta duntaxat octoginta aureorum  
 millium multa.

## §. XXII.

*Hæretici Meldis rogi supplicio  
castigati.*

Rursum in Galliis legum severitate in  
 novæ Reformationis Sectatores ani-  
 madvertebatur, ac præcipue Meldis in  
 Bria expeditio sat cruenta in hosce hæ-  
 reticos adornabatur; quamvis enim Gui-  
 lielmus Briffonetus hujus urbis Episco-  
 pus ante obitum suum, qui anno Do-  
 mini millesimo quingentesimo trigesimo  
 tertio contigit, damnum suæ Diœcesi

*Bez. hist. Ec-**cles. tom. 1.**Sleid. l. 18.**p. 640.**Belcar. l. 24.**num. 30.*

Sæcul. XVI ex nimio Lutheranae Sectæ studio illa-  
A.C. 1546 tum reparare satégisset, nihilominus  
 pessimum hujus hæresis fermentum  
 semper remanserat, atque adeo auctum  
 fuerat, ut hoc anno Christi millesimo  
 quingentesimo quadragesimo sexto die  
 octava Septembris in ædibus Stephani  
 de Mangin ingens horum Sectariorum  
 numerus deprehenderetur. Porro jam  
 antea quadraginta aut quinquaginta  
 Carminatores, Fulones ac Textores  
 Ducem sibi ibidem elegerant quemdam  
 lanæ Carminatorem Joannem Le Clerc,  
 qui protervis suis in Ecclesiam Catholi-  
 cam declamationibus multos sibi Secta-  
 tores conciliabat: cum autem ea res  
 haud diu latere possset, eorum sexaginta  
 comprehensi, Parisiis in carceres con-  
 jecti sunt, instructisque judicii actis eo-  
 rum quatuordecim lata in eos sententia  
 die quarta Octobris morti fuere adjudi-  
 cati, ac postea Meldas reducti ibidem  
 vivi combusti sunt, alii vero pecuniaria  
 poena mulctati, virgisque cæsi Regno  
 proscripti fuere. Peractum est suppli-  
 cium die septima ejusdem mensis, etsi  
 hujus criminis rei ad prodendos suos  
 complices nec ipsa etiam tormentorum  
 vi compelli potuerint.

§. XXIII.